



**«ՍԵՎԱՆԻ Խ.ԱԲՈՎՅԱՆԻ ԱՆՎԱՆ ԱՎԱԳ ԴՊՐՈՑ»**

**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ 2022**

**ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ**

**ԹԵՄԱ** - Գեղագիտական դաստիարակության իրականացումը  
աշխարհագրության ուսուցման գործընթացում

**ԱՌԱՐԿԱ** - Աշխարհագրություն

**ՀԵՂԻՆԱԿ** - Նարինե Մելքոնյան

**ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ** - Սևանի Յա. Զարոբյանի անվան  
N 2 հիմնական դպրոց

# ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....

ԳԼՈՒԽ 1. ԳԵՂԱԳԻՏԱԿԱՆ ԴԱՍՏԻԱՐԱԿՈՒԹՅԱՆ ԻՐԱԿԱՆԱՑՈՒՄԸ  
ԱՇԽԱՐՀԱԳՐՈՒԹՅԱՆ ՈՒՍՈՒՑՄԱՆ ԳՈՐԾԸՆԹԱՑՈՒՄ.....

1.1 Գեղագիտական դաստիարակության էությունը և նպատակը.....

1.2 Բնությունը որպես գեղագիտական դաստիարակության միջոց.....

1.2 Գեղագիտական դաստիարակության ձևերն ու մեթոդները աշխարհագրության  
ուսուցման գործընթացում.....

ԵԶՐԱԿԱՑՈՒԹՅՈՒՆՆԵՐ ԵՎ ԱՌԱՋԱՐԿՈՒԹՅՈՒՆՆԵՐ.....

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ.....

## Ներածություն

Ինչպես միշտ, այսօր էլ ժամանակի կարևորագույն խնդիրներից մեկը անհատի համակողմանի և ներդաշնակ զարգացումն է, մարդու հոգևոր պահանջմունքների ձևավորումը՝ հիմնված ազգային և վերազգային արժեքների ընկալման և յուրացման վրա:

Հայ դպրոցը թևակոխում է զարգացման մի նոր փուլ, ուր առաջնակարգ տեղ է հատկացվում խորը, ֆունդամենտալ հիմնահարցերին նոր պայմաններում հայ սովորողի՝ որպես ազատ մարդու անձնավորության ձևավորմանը, անկախ երկրի պետական մտածողությամբ օժտված քաղաքացու արժանապատիվ վարքագծի կերտմանը, նրա վերաբերմունքին ժամանակակից իրողությունների, իրականության, կյանքային արժեքների, ազգային նորովի մեկնաբանման և վերակերտման նկատմամբ, մի խոսքով՝ այն ամենին, ինչ մենք անվանում ենք հոգևոր աշխարհ:

Ուստի օրինաչափ է դառնում այն հանգամանքը, որ հանրակրթական դպրոցի վերակառուցման օբյեկտիվ անհրաժեշտությամբ թելադրված խնդիրներից մեկը սովորողների գեղարվեստական կրթության և գեղագիտական դաստիարակության արդյունավետ գործընթացի կազմակերպումն ու զարգացումն է:

Այս հարցը, ինչպես միշտ, նաև մեր օրերի հրամայականը լինելով, հայրենական մանկավարժական գիտության կողմից դիտարկվել է որպես համընդհանուր դաստիարակության անբակտելի մասը:

Մարդկային գործունեության բոլոր ոլորտներն ընդգրկող և արտացոլող գեղագիտական դաստիարակությունը նպաստում է անձի բնավորության և աշխարհայեցողության ձևավորմանը, նրա կենսագործունեության այնպիսի կողմերի զարգացմանը, առանց որոնց աներևակայելի են մարդու հոգևոր հարստությունը, գործունեության ստեղծագործական սկիզբը, հասարակական կյանքի բոլոր, այդ թվում՝ սոցիալ – քաղաքական, տնտեսական, տեխնիկական, գիտական, մանկավարժական բնագավառներում:

Գեղագիտական կրթությունը և դաստիարակությունը՝ որպես անձի գեղագիտական զարգացման կարևոր գործոն, օգնում են անհատին՝ ոչ միայն տեսնելու, ճանաչելու, զգալու իրականությունն ըստ գեղեցիկի օրենքների, այլև ապրելու և գործելու ըստ այդ օրենքների, լավագույնս դրսևորելու իր ստեղծագործական ներուժը, հոգևոր


հարստությունը՝ ազատ , անկաշկանդ և ստեղծագործաբար: Յենց այդպիսի ստեղծագործական , համակողմանի և ներդաշնակ զարգացած անձի ձևավորման և է ուղղված ժամանակակից հումանիստական դաստիարակությունը , որի հիմում ընկած են ազգային և համամարդկային սրբագործված արժեքները: Ահա թե ինչու , հասարակության բոլոր անդամների , ազգի դաստիարակության հիմնահարցը ձեռք է բերում առաջնային նշանակություն և հնչեղություն:

Գեղագիտական դաստիարակության դերի անհամեմատ մեծացումը կյանքի արմատական վերակառուցման , շուկայական հարաբերությունների հարստացման , ազգային և համամարդկային արժեքների նորովի գնահատման պայմաններում պահանջում է ուսումնասիրել և ընդհանրացնել ոչ միայն մեր հանրապետության և արտասահմանյան դպրոցների , այլև արտադպրոցական հիմնարկների աշխատանքում տասնյակ տարիներ կուտակած առաջավոր փորձը , ի հայտ բերել այդ բնագավառում առկա թերություններն ու բացթողումները և մշակել գիտականորեն հիմնավորված տեսություն և մեթոդիկա , ճշտել գործունեության կոնկրետ ուղիներն ու միջոցները այդ բնագավառում:

Յանրակրթական դպրոցում << Աշխարհագրություն >> առարկայի ուսուցման նպատակն է ապահովել սովորողների կողմից բնության և կենդանի օրգանիզմների մասին գիտելիքների կարողությունների և հմտությունների ձեռքբերումը , արժեքային համակարգի ձևավորումը , էկոլոգիական գրագիտությամբ և մշակույթով օժտված անձի դաստիարակումը , որը կգիտակցի կյանքի ` որպես երկիր մոլորակի բարձրագույն արժեքի նշանակությունը և կկարողանա բնության և հասարակության հետ ներդաշնակ հարաբերություններ ձևավորել ` դրսևորելով ինքնագիտակցության բարձր աստիճան և պատասխանատվության զգացում:

Այս գործում , իհարկե , մեծ է ուսուցչի դերը: Ստորև ներկայացված մոդելում տեսնում ենք ուսուցչին առաջադրվող քայլերի հաջորդականությունը ` գեղագիտորեն դաստիարակված անձ ձևավորելու համար:

## Բնագետ-ուսուցչի գեղագիտական կոմպետենտության մոդել



Չետագոտության նպատակը հանրակրթական դպրոցի աշխարհագրության ուսուցման ընթացքում գեղագիտական դաստիարակության իրականացման առանձնահատկությունների բացահայտումն է և արդյունավետ մեթոդների առաջադրումը:

## ԳԼՈՒԽ 1

### ԳԵՂԱԳԻՏԱԿԱՆ ԴԱՍՏԻԱՐԱԿՈՒԹՅԱՆ ԻՐԱԿԱՆԱՑՈՒՄԸ ԱՇԽԱՐՀԱԳՐՈՒԹՅԱՆ ՈՒՍՈՒՑՄԱՆ ԳՈՐԾԸՆԹԱՑՈՒՄ

#### 1.1 Գեղագիտական դաստիարակության եռլայնությունը եվ նպատակը

<<Մտածող և զգացող մարդ դաստիարակելու համար, անհրաժեշտ է առաջին հերթին նրան դաստիարակել գեղագիտորեն>>

Ֆրիդրիխ Շիլլեր

<<Չի կարելի ճանապարհ տալ սերնդին առանց դրականի և գեղեցիկի սաղմերի>>

Ֆեոդոր Դաստոևսկի

Գեղագիտությունը կամ էսթետիկան / հունարեն՝ *aisteticos* – զգայությամբ ընկալվող/ թեև որպես գիտություն ձևավորվել է միայն 18 –րդ դարում / գերմանացի փիլիսոփա Ա. Գ. Բաումգարտենի կողմից /, սակայն որպես իմացության հուզազգացմունքային և գեղեցիկի ճանաչմանն ուղղված ոլորտ գոյություն է ունեցել դեռևս անտիկ շրջանում: Մարդը մշտապես ունեցել է գեղեցիկի պահանջը, գեղեցիկը կազմել է նրա հոգևոր կյանքի անբաժանելի մասը: Գեղեցիկը բոլոր ժամանակներում համարվել է նաև իրականության կարևորագույն, ամենահետաքրքիր ու զարմանալի երևույթներից մեկը, որի ճանաչումը, իմացությունը եղել է մարդկային գործունեության /ճանաչողության/ հիմնական նպատակներից մեկը: Եվ, բնականաբար, գեղեցիկի ձևավորումը բոլոր ժամանակներում եղել է նաև սերունդների դաստիարակության կարևորագույն բաղադրիչ:

Գեղեցիկը ճանաչելու, հասկանալու, զգալու, ինչպես նաև գեղագիտական այլ ունակությունների նախադրյալները մարդուն տրվում է ժառանգաբար: Բայց դրանց ձևավորումը և զարգացումը հիմնականում իրականացվում սոցիալական ամենատարբեր օղակներում, որոնց մեջ կարևորագույնը թերևս, հանրակրթությունն է՝ իր գեղագիտական դաստիարակության բաղադրիչով:

Իսկ ի՞նչ է գեղագիտական դաստիարակությունը:

Այստեղ բացակայում է միասնական մոտեցումը, և տարբեր հեղինակների կողմից այն բնորոշվում է տարբեր կերպ. որպես իրականության նկատմամբ մարդու

գեղագիտական հարաբերության ձևավորման նպատակաուղղված գործընթաց , որպես շրջակա աշխարհի գեղագիտական ընկալման և գեղեցիկի ստեղծման ունակությունների զարգացման , որպես իրականության նկատմամբ մարդու որոշակի գեղագիտական հարաբերությունների ձևավորման որպես անձի հուզագգացմունքային և արժեքային գիտակցության և դրան համապատասխան գործունեության ձևավորման գործընթաց և այլն: Նկատվող այս անհատականության , ոչ միասնական մոտեցման հիմնական պատճառները երկուսն են՝ անհատականությունը և ոչ միասնական մոտեցումը ինչպես գեղեցիկի , այնպես էլ դաստիարակության բնորոշման հարցերում:

Գեղագիտական դաստիարակությունը բնության և հասարակության ճանաչողության միջոցներից մեկն է : Նրա նպատակը գեղագիտական մշակույթի ձևավորումն է : Այն հաստատում է իրականության օբյեկտների հետ մարդու գեղագիտական հարաբերությունը , ձևավորում է նրա գեղագիտական զգացմունքները ճաշակը, իդալը , գեղեցիկը գնահատելու կարողությունը , ապահովում գեղագիտական ունակությունների , կարողությունների , հմտությունների և այլ որակների զարգացումը , ակտիվացնում , ընդլայնում և բավարարում է գեղագիտական պահանջմունքները, գեղեցիկը ընկալելու և ստեղծագործելու հնարավորությունները: Գեղագիտական դաստիարակությունը ներդաշնակ է դարձնում մարդուն , զարգացնում նրա ստեղծագործական ունակությունները :

Գեղագիտական դաստիարակությունը իրականացնում է երկու հիմնական գործառույթ.

- այն ձևավորում է սովորողի արժեհամակարգի և արժեքային կողմնորոշման գեղագիտական բաղադրիչը
- զարգացնում է նրա գեղագիտական և ստեղծագործական ներուժը:

Այն նաև մարդկային փոխհարաբերությունների կարգավորման միջոց է : Մարդը միշտ ձգտում է դեպի գեղեցիկը : Այս տեսակետից դաստիարակության գեղագիտական և բարոյական բաղադրիչները մոտենում են իրար:

Ընդհանրապես , գեղագիտական դաստիարակությունը սերտորեն կապված է , ավելին ինչ-որ իմաստով միահյուսվում է ինչպես բարոյական դաստիարակության , այնպես էլ ինտելեկտուալ զարգացման հետ : Այդ կապերին դեռևս հինգերորդ դարում անդրադարձել է հայ պատմիչ և փիլիսոփա Եզնիկ Կողբացին , ով գտնում է , որ մարդու ստեղծած գեղեցիկը պետք է ծառայի : Գեղեցիկի և բարու

փոխհարաբերությունները և համապատասխան արժեքների ձևավորման խնդիրները եղել են բոլոր ժամանակների հետազոտողների ուշադրության կենտրոնում : Որոշ հետազոտողներ հակված են գեղագիտական դաստիարակությունը ներառել բարոյական դաստիարակության մեջ: Գեղագիտական դաստիարակության շնորհիվ հնարավոր է դառնում նաև անձի հոգևոր աշխարհի գեղագիտական , բարոյական ինտելեկտուալ բաղադրիչների միջև լիակատար ներդաշնակության հաստատումը:

Գեղագիտական կրթությանը և դաստիարակությանը համալիր մոտեցման բազմակողմանի , բարդ և ստեղծագործական աշխատանքի իրականացման համար ուսուցիչ – դաստիարակը պետք է օժտված լինի անձնական և մասնագիտական այնպիսի հատկանիշներով , ինչպիսիք են`

- արտաքին կուլտուրայի և վարվելաձևի էսթետիկան
- խոսքի կուլտուրան , արտահայտչականությունը, հուզականությունը
- շփման կուլտուրան
- գեղարվեստական և գեղագիտական բարձր ճաշակը
- զարգացած գեղագիտական իդալը
- գեղագիտական գիտելիքների , համոզմունքների և վարվելաձևի միասնությունը

Գեղագիտական դաստիարակությունն աճող սերնդի բազմակողմանի զարգացման մասն է կազմում : Դրա մեջ իր ենց տեղն ունեն գեղարվեստն , թատրոնն ու կինոն , նկարչությունը , ճարտարապետությունը և այլն : Այս բոլոր բնագավառները ունեն իրենց փիլիսոփայական հիմքը և տեսությունները : Այս առումով , պետք է ընդգծել , որ գեղագիտական դաստիարակությունը ունի իր տեսությունները և մեթոդները :

Ցանկացած արվեստ պետք է հասկանալի լինի յուրաքանչյուր , առավել ևս երեխաների համար: Վերջիններիս հայացքները ձևավորվում են ուսանելու ընթացքում: Անհրաժեշտ է , որ նրանք ի վիճակի լինեն հասկանալու գեղեցկության իմաստը : Իսկ դրա համար պետք է ուսումնասիրել արվեստ իր բազմազանության մեջ :

Մանկավարժները պետք է տիրապետեն գեղագիտորեն հագեցված խոսքին և բոլոր մանկավարժական հիմնախնդիրների շարքում առանձնահատուկ տեղ հատկացնեն գեղագիտական դաստիարակությանը: Դեռ նախադպրոցական տարիքից, անհրաժեշտ է երեխաներին ծանոթացնել բնության գեղեցկությանը ,



մարդկային վարք ին ու բարքին , գեղարվեստական այն գործերին , որոնք պարզ և հասկանալի կլինեն երեխաների համար :

## 1.2 Բնությունը որպես գեղագիտական դաստիարակության միջոց

Գեղագիտական դաստիարակության գործում անգնահատելի է բնության դերը: Այն ցայտուն երևում է աշխարհագրության ուսուցման գործընթացում: Բնությունը գեղեցկության իսկական աղբյուրն է: Ուշինսկին ասում էր , որ երիտասարդ մարդու հոգու վրա ունեցած բնության ազդեցության ուժի հետ մանկավարժն անգամ չի կարող մրցել: Բնությունը ներգործում է աշակերտների հոգու վրա , ազնվացնում նրանց զգացմունքները , ձևավորում նրանց հոգևոր կերպարը: Այն օգնում է զարգացնելու նրանց գեղագիտական զգացմունքները , դիտողականությունն ու երևակայությունը , ուշադրությունն ու ունակությունները:

Աշակերտը իր ճանաչողության գործընթացում հետզհետե բացահայտում է իրեն շրջապատող աշխարհը , և նրա առջև բացվում է բնության գեղեցկությունները: Գեղեցիկը նկատելով կարողության ձևավորմանը զուգընթաց հարկավոր է երեխաներին սովորացնել բնության մեջ ներդաշնակության խորհուրդն ըմբռնելու արվեստը և ձգտում առաջացնել չխաթարելու այն:

Շրջապատող աշխարհում արվեստի ստեղծագործություններում գեղեցիկը նկարելու և ընկալելու կարողությանը կարևոր նախապայման է մարդու հոգևոր աշխարհի ձևավորման և զարգացման համար: Հայտնի է , որ անհնար է երեխային կրթել ու դաստիարակել առանց նրա մեջ գեղեցիկի զգացողության ձևավորման. նա հրճվում է բնության գեղեցկությամբ և իր համար հայտնաբերում գեղեցիկը:

Մեզանից յուրաքանչյուրը սիրում է մաքուր , անուշ օդ շնչել անտառում , զբոսնել կանաչ բացատում: Բայց դա է արդյոք սերը բնության հանդեպ: Բնության նկատմամբ երախտագիտության զգացումը , ջերմացած ներքին բարի մասնակցությամբ , ձեռք է բերում մարդու մեջ գեղագիտական երանգավորում: Շրջակա բնության հանդեպ վերաբերմունքի միջոցով մարդն ընկալում է իրեն` որպես նրա անբաժանելի Էություն:

Մարտիրոս Սարյանի բնապատկերները շաղախված են հայրենի եզերքի հանդեպ անխարդախ ջերմությամբ , անսահման սիրով , վառ ու կենդանի վերարտադրում են հարազատ բնաշխարհի գունային ողջ համապատկերը , ստիպում են խորհել ու ոգևորվել: Բնությունը շատ բան է տալիս , բայց փոխարենը ուշադրություն , սեր , խնամք

Է ինդրում, ինչը ուսուցչին հարկադրում է բացառիկ ուշադրությամբ և տակտով սովորողներին հասու դարձնել բնության հրաշալիքների հարստացման կարևորությանը :

Բնության հետ հաղորդակցությունը , զգալու , հասկանալու , գնահատելու կարողությունը սովորողի մեջ արթնացնում են իմանալու , մտածելու ցանկություն, սրում են գեղագիտական զգայնությունը , հպարտության զգացմունք առաջացնում մարդկանց ստեղծագործական կյանքի համար, որոնք չխախտելով բնության հավասարակշռությունը , լիովին բացահայտում են կյանքի ուժերը :

Բնության հետ շփվելու համար պահանջվում է անհրաժեշտ ժամանակ , ցանկություն և համապատասխան պայմաններ :Ցանկության և կյանքը խելացի կազմակերպելու դեպքում կարելի է գտնել բնությամբ զբաղվելու ժամանակ: Արժե կատարել ժամանակի նման զոհողություն , քանի որ բնությունը մարդուն ոչ միայն պարգևում է լուսավոր բերկրանք ,այլև վերականգնում է նրա հոգեկան հավասարակշռությունը , առույգությունը և ուժը:

Ինչ վերաբերվում է բնությունը դիտելու ցանկությանը , ապա դրա համար անհրաժեշտ է իր մեջ զարթնեցնել այդպիսի ցանկություն : Այդ է գեղագիտական դաստիարակության ամենամեծ դժվարությունը: Այն մարդը , որն արդեն մի քանի անգամ զգացել է գեղեցիկի պահանջը , ինքը կորոնի դեպի այդ գեղեցիկը տանող ուղիները:

Անհրաժեշտ է վերականգնել մեր ժողովրդի այն հրաշալի ավանդները , որի համար անցյալում բնությունը եղել է գեղագիտական հիացմունքի ամենամատչելի մասայական միջոցը և որը դարերի ընթացքում ստեղծել է բնությունն ընկալելու և փառաբանելու բարձր կուլտուրա: Հայ ժողովրդական բանահյուսությունը և առանձնապես <<Սասունցի Դավիթ>> Էպոսի գեղարվեստական պատկերները վկայում են բնությանը հիանալիորեն զգացող և հասկացող մեր ժողովրդի վառ և հարուստ երևակայության մասին :

Բնությունը դաստիարակում է հույզեր , զգացմունքներ , ճաշակ` բնապատկերներով, ռեչիեֆի վիթխարի գծագրումներով , ինչպես և մարդու գեղակերտումներով:Այդ բոլորի մեջ միահյուսվել են բնության գեղեցկության և մարդու ստեղծագործական աշխատանքի արդյունքները:

Բնության գեղագիտական ընկալումը նպաստում է սովորողների մտավոր զարգացմանը : Ինչպես հայտնի է , բնությունը եղել է մարդու մեծագույն դասագիրքը բոլոր ժամանակներում : Նա մարդուն հաղորդել և հաղորդում է գիտելիքներ ազգագրության , կենսաբանության , օդերևույթաբանության , աշխարհագրության , հայրենագիտության վերաբերյալ : Դպրոցականները բնության հետ առավել շփման մեջ են մտնում կենսաբանության , աշխարհագրության և բնագիտության դասերի միջոցով :

Բնության գեղեցկությունները ծնում և սնում է մեր սերը հայրենիքի նկատմամբ : Հայրենիքի նկատմամբ տածած գեղեցիկ և վեհ զգացմունքները անբաժանելի են նրա բնաշխարհից , որի պատկերները ապրում են մեր սրտերում :

Կենդանի և անկենդան բնությունը գոյատևում և զարգանում է բարդ օրենքներով : Երեխան իր ճանաչողության գործընթացում հետզհետե բացահայտում է դրանք : Հենց այդ ընթացքում էլ նրա առջև բացվում են բնության գեղեցկությունները : Նա զննում է հմայիչ բնապատկերները , արևածագն ու մայրամուտը , աստղալից երկինքը , տարվա տարբեր եղանակների գուներանգները , բուսական ու կենդանական աշխարհի փոփոխությունները և այլն :

Եվ այսպես , գեղագիտական դաստիարակությունը բարձր պահանջներ է ներկայացնում բնության նկատմամբ մարդու վարվելաձևի կուլտուրային :

### 1.3 Գեղագիտական դաստիարակության ձևերն ու մեթոդները աշխարհագրության ուսուցման գործընթացում

Գեղագիտական դաստիարակության ձևերն ու մեթոդներն ընտրվում են առաջադրված նպատակներին և խնդիրներին համապատասխան Աշխարհագրության դասերը բացի գիտական նպատակներից, ունեն նաև դաստիարակչական նշանակություն: Դրանք աշակերտության հոգեբանությունը կարող են հարստացնել բարոյական և գեղագիտական գիտելիքներով: Կարևոր նշանակություն ունեն արտադասարանային շրջապատույտները գեղատեսիլ վայրերով, այցելությունները թանգարաններ: Իր հերթին աշխատանքը բնության գրկում նպաստում է բնության ընկալմանը և գնահատմանը: Աշակերտների ուշադրությունը դարձնելով հայրենի բնության անձեռակերտ հուշարձաններին նրանց մեջ ստեղծում է գեղեցիկը, հրաշալին, լավը տեսնելու, հասկանալու, գնահատելու կարողություն: Մեծերից ոմանք ասում են, որ բոլորն են նայում, բայց ոչ բոլորն են տեսնում, այսինքն ուսուցչի հմտությունն այն է, որ սովորողների շրջանում հասուն դարձնի տեսնելու հնարավորությունները:

Աշակերտների գեղագիտական արժեքների ձևավորման և զարգացմանը նպաստում են էքսկուրսիաները: Էքսկուրսիայի ժամանակ ուսուցիչն ու աշակերտը թողնում են դասասենյակը և դուրս են գալիս ազատ բնություն: Խախտվում է դասի սովորական ընթացքը, փոխվում է դասի թե տեղը և թե անցկացման ձևը: Այս բոլոր փոփոխությունները միանգամայն դրական ազդեցություն են ունենում ինչպես հաղորդվող նյութի կայուն յուրացման, այնպես էլ աշակերտների գեղագիտական ճաշակի ձևավորման վրա: Էքսկուրսիան ուսուցչին հնարավորություն է տալիս կոնկրետ փաստերի վրա աշակերտներին բացատրել ու ցույց տալ բնության բազմաթիվ առարկաների և երևույթների միջև եղած փոփառարձ կապերը, պատճառի և հետևանքի արդյունքները: Բնությունը իր բազմապիսի առարկաներով ու երևույթներով, իր պես-պես գույներով ու ձայներով, դրանց միջև եղած պատճառահետևանքային զանազան կապերով, իր սքանչելի գեղեցկությամբ ու

անկրկնելի ստեղծագործություններով , ամենամեծ ուսուցիչն է , ուսուցիչ , որը ամենից հեշտ ու դյուրին ձևով , կայուն ու խորը կերպով է սովորեցնում իրեն ճանաչել: Լինելով բնության գրկում աշակերտը փորձում է ինքնուրույն ուսումնասիրել տարբեր երևույթներ իրեն զգալով որպես բնական աշխարհը պեղող փոքրիկ <<փորձագետ>>:

Էթսկուրսիաները բացառիկ կարևոր նշանակություն ունեն աշակերտների բառապաշարի հարստացման գործում , որովհետև դեպի բնություն ու արտադրություն կատարված էթսկուրսիաների ժամանակ նրանք ոչ միայն նոր գիտելիքներ ու հասկացություններ են յուրացնում , այլև բազմաթիվ նոր բառեր ու բառակապակցություններ են սովորում , որոնք հարստացնում են բառապաշարը և բարձրացնում խոսքի կուլտուրան :

Աշակերտների մոտ դիտելը , գննելը , տեսնելը վարժեցնում են նրանց զգայարանները , իսկ զգայարանը այն դուռն է , որով արտաքինը մտնում է , թափանցում է նրա ներաշխարհը : Ինչը որ չի անցնում զգայարաններով , նա առհասարակ հոգեկան աշխարհը չի մտնում , գաղափար չի դառնում , ուստի ուսուցման գործընթացում նախ պետք է հանդես գա գաղափարը , իսկ հետո՝ բառը , խոսքը: Բոլորին է հայտնի , որ աշակերտները իրենց մտքերն առավել գեղեցիկ խոսքի են վերածում էթսկուրսիայից հետո , որովհետև նյութի կոնկրետությունը , տպավորությունների անմիջականությունն ու հզոր ուժը այդպիսի հնարավորություն են տալիս :

Գեղագիտական դաստիարակության մեթոդները է գործնական աշխատանքների կազմակերպումը : Դիագրամների , ուրվագծային քարտեզների կազմումն ու լրացումը աշակերտներից պահանջում է ոչ միայն ճշգրտություն , այլև աշխատանքը գեղարվեստորեն կատարելու հմտություններ : Անտարակույս , գեղարվեստական դաստիարակության հարուստ աղբյուր են գեղարվեստական ֆիլմերը , տեսաֆիլմերը , բնապատկերները , գեղեցիկ ձևավորված արտադրատեսակները , գովազդները :

Աշխարհագրություն դասավանդելիս օգտագործվում են շատ նոր մանկավարժական տեխնոլոգիաներ , բայց ոչ միայն կրթական , ստեղծագործական նշանակություն ունեն , այլ նաև գեղագիտական : Այդ քայլերից է նաև արտագնա դաս թանգարանում : Թանգարանում անցկացված արտագնա դասի նորարարությունը կայանում է դասվանդման նկատմամբ միաժամանակ համալիր , ինտեգրված ինտերակտիվ մոտեցումներով: Նման դասերը հնարավորություն են տալիս հստակեցնել

ուսումնասիրվող նյութի կարևորությունը , գործնականությունը , դժվար նյութը տրամադրել պարզ նյութերի միջոցով բարձրացնել աշակերտների զգացմունքային և մտավոր մակարդակը : Թանգարանում անցկացված արտագնա դասերը բացի ճանաչողական - գեղագիտական կարևորությունից , ծառայում են նաև աշակերտների մասնագիտական կողմնորոշմանը :

Գեղագիտական դաստիարակության խորացման և ձևավորման վրա կիրառելի մեթոդներից է կինոֆիլմերի դիտումը , որի ժամանակ բնության ուսումնասիրվող օբյեկտը կամ երևույթը բարձրացնում է գեղագիտակաբ ճաշակը: Այսպես օրինակ , արևադարձային անապատների բուսական և կենդանական աշխարհի ուսումնասիրման ժամանակ դիտելիս ինչի վրա պետք է կենտրոնացնել ուշադրությունը , այլ նաև ձևավորել գեղագիտական ճաշակ, գեղեցիկը տեսնելուն և ճանաչելուն:

Գեղագիտական դաստիարակության հարցում որպես զորեղ գրգռիչ հանդես է գալիս ուսուցչի խոսքը : Հայտնի է , որ գրգռիչները 3 են տեսողական , լսողական և արտաբերական : Դրանք ազդում են մարդու մտածողության , զգացմունքների և հիշողության վրա : Ուսուցիչը պետք է տիրապետի գեղեցիկ , արտահայտիչ խոսքին , որը կարող է անջնջելի տպավորություն թողնել աշակերտի մտածողության , համոզմունքի , վարքագծի վրա : Նա պետք է կարողանա պատմի բնության , մարդկանց հարաբերությունների , հայրենիքի և այլ կարևոր հարցերի մասին այնպես , որ ամեն մի աշակերտ հասկանա իր ուսուցչին , կարողանա գնահատել նրա խոսքը , զգա կյանքի , երկրի , հայրենիքի գեղեցկությունը : Ուսուցչի խոսքն արտահայտիչ են դարձնում աշխարհագրական գրականության մեջ հաստատուն տեղ գտած թևավոր արտահայտությունները , ասույթները , աֆորիզմները , ինչպիսիք են <<Քարտեզը աշխարհագրության ալֆան և օմեգան է >> , <<Կոլումբոսյան ձուկ >> , <<Արևի տակ տեղ ունենալ >> , <<Արևելքի Ձիբրալթար >> , <<Եգիպտոսը Նեղոսի պարզևն է >> և այլն :

Լսելով ուսուցչին աշակերտները պետք է պարզ պատկերացում ստանան այն օբյեկտների և երևույթների վերաբերյալ , որոնց մասին ուսուցիչը պատմում է: Ուստի ուսուցիչը պետք է պատմի հրապուրիչ , գրավի աշակերտների ուշադրությունը , նրանց մեջ հետաքրքրություն առաջացնի աշխարհագրության նկատմամբ : Որպեսզի պատմելը պատկերավոր , հուզիչ , գրավիչ լինի , ուսուցիչը չպետք է սահմանափակվի միայն դասագրքի բովանդակությունը շարադրելով , նա պետք է փնտրի ու գտնի տվյալ թեմային վերաբերող բազմաթիվ տպավորիչ պատմությ ուններ ու

Նկարագրություններ : Օրինակ երբ ուսուցիչը ցանկանում է ներկայացնել տարվա եղանակները կամ բնության պատկերները , նա պարտավոր է նախօրոք ձեռքի տակ ունենալ տվյալ դասին վերաբերվող տպավորիչ բանաստեղծություններ և կարողանա տպավորիչ կարդալ , որ սովորողները ոչ միայն ճիշտ ընկալեն նկարագրված երևույթը և գեղարվեստական հաճույք ստանան , այլ զգան դրանց հմայքն ու գեղեցկությունը: Աշխարհագրության դասագրքում նկարագրած Սևանին վերաբերող թերևս այնքան վառ պատկերներ չկան , որքան Յ. Յայրապետյանի << Երգ Սևանի մասին>> բանաստեղծության տողերում

Բազմած մեր սեզ լեռների մեջ

Աչքդ հառած երկնքին

Ժպտում ես դու , ականջ դնում

Ալիքների զիլ երգին:

Աշխարհագրության դպրոցական դասընթացն իր բովանդակությամբ և բնույթով ունի հայրենագիտական ուղղվածություն ; Ուսուցման այս եղանակում էլ արտահայտվում է աշխարհագրության հայրենագիտական ուղղվածությունը: Աշակերտներին հայրենագիտական գիտելիքներով զինելը նպատակ ունի նրանց մեջ զարգացնել աշխարհը նյութական տեսնելու , ընդլայնելու նրա աշխարհաճանաչողական պատկերացումները մշակելու ճաշակ և հոգատար վերաբերմունք բնության , նրա հարստությունների և գեղեցկությունների պահպանման նկատմամբ:

Յայրենագիտական աշխատանքները նպաստում են գեղագիտական , աշխատանքային ու ֆիզիկական դաստիարակմանը:

Աշխատանքը հայրենի բնության գրկում` անտառում , քչքչացող գետակի ափին , բաց դաշտում , այգիներում , խորհրդավոր քարանձավում , ամրապնդում են աշակերտների առողջությունը , բնավորությունը : Բնության գրկում հայրենագիտական աշխատանքներ կատարելիս աշակերտները ստանում են նաև գեղագիտական դաստիարակություն , որովհետև գեղեցիկը բնության մեջ գոյություն ունի օբյեկտիվորեն : Այն կապված է առարկաների և երևույթների բնական հատկությունների հետ և արտահայտվում է գույների , ձայների ու ձևերի մեջ , որը օբյեկտիվորեն փոխանցվում է մարդկանց:

Հայրենագիտական աշխատանքների ընթացքում աշակերտների ուշադրությունը պետք է կենտրոնացնել հայրենի բնության հիասքանչ տեսարանների՝ վեհանիստ ու ժայռոտ լեռների , անդնդախոր ձորերի ու կիրճերի , բնակերտ քարանձավների , գեղատեսիլ գետահովիտների , սարալանջերից բխող աղբյուրների վրա , նրանց մեջ ստեղծել լավը , գեղեցիկը տեսնելու , հավանելու , արժեքավորելու կարողություն : Սակայն ոչ բոլոր դպրոցականներն են կարողանում զգալ և գեղագիտական հաճույք ստանալ բնության տեսարաններից : Նրանք բոլորը դա կզգան , կդիտեն , կտեսնեն , կհասկանան ու կհիանան այն դեպքում , երբ ուսուցիչը այդ բոլորին իր կենդանի խոսքով շունչ ու կենդանություն է հաղորդում , ճշմարտացիորեն նկարագրում դրանք :

Հայրենագիտական աշխատանքների միջոցով ուսուցիչը բացահայտում է բնության բազմաթիվ երևույթների ընդհանուր օրենքներն ու օրինաչափությունները , որոնց միջոցով աշակերտներն առավել խորությամբ են թափանցում բնության բարդ բացատրելի երևույթները հասկանալու մեջ , դառնում են առավել ուժեղ , հզոր , անվախ :

Բնության ահեղ ու խուլ տարերքը

ճնշել է մարդուն ուժով իր վայրի ,

Ու մարդն անընդմեջ փնտրել է ելքը

Հավերժող խաղում լույս ու խավարի :

Մարդը իսկապես ճանաչելով բնության օրենքներն ու օրինաչափությունները , աստիճանաբար ազատագրվեց նրա իշխանությունից և սովորեց այդ ահեղ երևույթների մեջ ճանաչել գեղեցիկը , հիանալ ու հարստանալ դրանցով :

Դպրոցականների գեղագիտական պահանջմունքների ձևավորմանն ու բավարարմանը մեծապես նպաստում են նաև միջառարկայական կապերը : Ուշինսկին իրավացիորեն գտնում էր , որ ամեն մի գիտության մեջ , մեն մի ուսումնական առարկայի մեջ <<առկա է գեղագիտական տարր , որը աշակերտին պետք է մատուցի ուսուցիչը>> :

Սովորողների գեղագիտական դաստիարակության գործում իր պատկառելի դերն ունի գրականությունը : Գրքերի միջոցով սովորողները << ճամփորդում են>> Ղ. Աղայանի , Հովի . Թումանյանի , Հ.Շիրազի , Պ. Սևակի աշխարհում : Մեր բնաշխարհի անկրկնելի երգիչ Վախթանգ Անանյանի որսորդական պատմվածքներում սովորողների առջև բացվում են հայրենի բնության խորհրդավոր գաղտնիքները : Այսպես կարդալով Վ. Անանյանի <<Սևանի ափին >> վեպը՝ երեխաները կարող են



իմանալ Սևանա լճի , այնտեղ ապրող ձկների , նրա շրջապատի բնության մասին : Սովորողները աշխարհագրության ժամերին գրականության միջոցով սովորում են ոչ միայն տեսնել , այլ մտորել , զգալ հայրենի բնաշխարհի գեղեցկությունը , հարստացնել իրենց հոգեկանը , ներաշխարհը : Հիշատակման արժանի է հայ մեծ վիպասան Բաճճու <<Սամվել>> վեպից <<Արարատյան դաշտի առավուտը>> գեղարվեստական պատկերը :

Նույն զգացողությունը պարուրում է սովորողին , երբ նա ուսուցչի խորհրդով ընթերցում է Ա. Բակունցի <<Միրիավը >> պատմվածքի սկիզբը / աշևան նկարագրությունը / , Թումանյանի , Իսահակյանի , Սահյանի բնապատկերները : Բնության մարդկային փոխհարաբերությունների վերարտադրությունը կինոարվեստի միջոցով սովորողների գեղագիտական դաստիարակության միջոց է : Ուսուցիչը պետք է ոգևորի և մանկավարժական ներգործությամբ նպաստի սովորողների ավելի խորը և հուզական զգացողության զարգացմանը , օգնեն նրանց խորանալու բնության տարբեր երևույթների միջոցով գեղագիտական վերլուծությունների մեջ :

Այդ տեսակետից սովորողի համար ուշագրավ խորհրդածությունների լավագույն առիթն են դառնում հայ կինոարվեստի վերջին տասնամյակների լավագույն գործերը ` <<Նահապետ>> , <<Մենք ենք , մեր սարերը >> , <<Նռան գույնը >> , որոնցում բնապատկերը , խոսքը , երաժշտությունը , նկարչական աշխատանքը սովորողին սուզում են կենդանի կյանքի և խորհրդանիշների աշխարհը :

Որպես գեղագիտական նպատակների ծառայող խաղատեսակներ կարելի է առանձնացնել համակարգչային տարբեր ուսուցողական , արվեստին և գեղագիտականին առնչվող խաղերը և դրանց տեսակները : Համակարգիչը ներթափանցել է գեղագիտական բնագավառներ հարստացնելով և նոր հնարավորություններ ընձեռելով դրանց զարգացմանը : Կարելի է համարձակորեն պնդել , որ այսօր համակարգչային գրաֆիկան հանդիսանում է նշանակալի գործոն ժամանակակից գեղագիտական միջավայրում : Համակարգիչը կարելի է կիրառել ինչպես ստեղծագործական նկատառումներով , այնպես էլ դաստիարակիչ : Սովորողների գեղագիտական մտածողության և ընդհանուր գեղագիտական զարգացման խնդիրներին մանկավարժական լուծում տալու տեսանկյունից օգտակար կարող են լինել համակարգչային CD\_ROM սկավառակները : Գեղագիտական բովանդակություն պարունակող համակարգչային սկավառակները կարող են լինել հանրագիտարանային բնույթի , վիրտուալ էքսկուրսիաներ պարունակող , խաղային և այլն :

Այսպիսով, ամփոփելով ուսումնասիրության արդյունքները , կարող ենք փաստել, որ անգնահատելի է գեղագիտական դաստիարակության դերն ու նշանակությունը մարդու աշխարհայացքի ձևավորման , նրա համակողմանի ու ներդաշնակ զարգացման գործում: Ուսումնական առարկաների բազմաբնույթ միասնացումը, այսինքն՝ ճանաչողության ամբողջականության պահպանումը, ուսուցման արդյունավետության բարձրացման կարևորագույն գործոն է և ուսուցման արդիական նպատակ:

## ԵԶՐՎԿԱՑՈՒԹՅՈՒՆ

Ազգային դպրոցի գլխավոր նպատակը մասնագիտական պատշաճ պատրաստվածություն ունեցող և համակողմանիորեն զարգացած, հայրենասիրության, պետականության և մարդասիրության ոգով դաստիարակված անձի ձևավորումն է, նրանց պատշաճ վարքի ու վարվելակերպի ձևավորումը: Գեղագիտական դաստիարակությունն աճող սերնդի համակողմանի զարգացման մասն է կազմում: Չի կարելի պատկերացնել աշակերտների մտավոր դաստիարակությունն առանց ուսումնասիրվող երևույթների գեղեցկության բացահայտման:

Ասպիսով, հանրակրթական դպրոցում գեղագիտական դաստիարակության իրականացման հիմնախնդիրը պետք է դառնա դասապրոցեսի կարևոր բաղկացուցիչ մասը, քանի որ հենց դպրոցական տարիքն է ամենաորոշիչը գեղագիտական դաստիարակության համար: Այս տարիքում է ձևավորվում երեխայի աշխարհը նկատմամբ, որն աստիճանաբար կերտում է անհատը: Անգնահատելի է գեղագիտական դաստիարակության դերն ու նշանակությունը մարդու աշխարհայացքի ձևավորման, նրա համակողմանի ու ներդաշնակ զարգացման գործում:

Այս գործում ոչ պակաս կարևորություն ունի Աշխարհագրությունը՝ աշխարհի մասին գիտությունը: Յենց աշխարհագրական երևույթների մասին գիտությունն լինելն ինքնին պարտավորեցնում է առավել խորը ու նպատակային մոտեցում ցուցաբերել գեղագիտական դաստիարակության մեթոդների կիրառությանը աշխարհագրության դասաժամերին: Բնության, կյանքի ծագման, բնական երևույթների, բուսական ու կենդանական աշխարհի ուսումնասիրությունը անհրաժեշտ է զուգակցել գեղարվեստական ստեղծագործությունների, քնարական բանաստեղծությունների, երաժշտության, կերպարվեստի, փիլիսոփայության ու հոգեբանության հետ:

ՈՒսուցիչը պետք է սովորողների մեջ ոչ միայն ձևավորի գեղեցիկը զգալու, հասկանալու ունակություններ, այլև դաստիարակի այն ստեղծելու ու սերունդներին

փոխանցելու պահանջներ, կարողություններ և հնարավորություններ: Աշխարհագրության մեջ սա արտահայտվում է աշակերտների մեջ բնության հանդեպ հոգատարության և սիրո ձևավորման, պահպանման, բնության անգնահատելի դերի գիտակցման ու արժևորման սերմանում: Աշակերտները պետք է գիտակցեն, որ բնության մաքրությունը պահպանելով, նոր ծառեր տնկելով, մշակելով, ոչ միայն Էկոլոգիական հիմնահարցերին են լուծում տալիս, այլև կերտում սեփական տեսակն ու բնավորությունը, բարոյական գծերը, հասարակության համար պիտանի մարդ լինելը:

Վերոնշյալ խնդիրների լուծման, ուսումնական գործընթացի արդյունավետության բարձրացման նպատակով ներկայացնում ենք հետևյալ առաջարկությունները.

Դասապրոցեսի ընթացքում ստեղծել միջառարկայական կապ մյուս առարկաների հետ/ գրականություն, կերպարվեստ, երաժշտություն/:

Առավել շատ դասեր անցկացնել բնության գրկում, օգտագործել բնության ընձեռած բոլոր հնարավորությունները, կազմակերպել էքսկուրսիաներ, զբոսանքներ:

Թվարկած բոլոր մոտեցումները կարևոր են անձի համակողմանի և ներդաշնակ զարգացումն ապահովելու, բարոյական, հայրենասիրական, գեղագիտական դաստիարակություն իրականացնելու գործում:

Գեղագիտական դաստիարակությունը երկարատև, բարդ և բազմակողմանի գործընթաց է: Նրա ձևերն ու մեթոդները բազմաբնույթ են և միայն բոլոր ձևերի ամբողջական կիրառման շնորհիվ կարելի է հասնել գեղագիտական դաստիարակության բարձր մակարդակի:

## ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Ամիրջանյան Յու. Մանկավարժություն/ուսումնական ձեռնարկ/, Երևան, 2005:
2. Բայյան Ա. Դպրոցականների գեղագիտական դաստիարակությունը , <<Լույս>> հրատարակչություն , Երևան , 1979:
3. Մկրտչյան Կ. Գեղագիտական դաստիարակություն կրթություն /ուսումնական ձեռնարկ/ Երևան 1997
4. Հակոբյան Ա. Գեղագիտական դաստիարակության առանձնահատկությունները կրտսեր դպրոցում, Մանկավարժական միտք, Երևան, 2013,3-4
5. Սողոմոնյան Լ. Կրտսեր դպրոցականի գեղարվեստական կրթության իրականացումը մանկավարժական գործընթացում, Երևան , 2010թ.:
6. Ներսիսյան Լ. Ս. Կրթություն և գեղագիտություն , Չանգակ-97 հրատ ., Երևան ,2002
7. Գիտամեթոդական վերլուծական ամսագիր <<Մանկավարժություն>>, Երևան , ՀՀ ԿԳՆ Կրթության ազգային ինստիտուտ, 2005, 2012, 2015